

張紫陽祖師---南宗一世祖 陳子石宗師

張祖名伯瑞。字平叔。道名用成。號紫陽。浙江省臨海縣人。也嘗為府史。幼親善道。涉獵三教經書以至刑法。算醫卜戰陣天文地理吉凶死生之術。靡不留心講究。惟金丹一法。博覽群經及諸家歌詩論契。詢求遍於海獄皆莫能通曉真宗開照心腑。後至宋熙寧二年己酉歲。因隨龍圖陸公入成都。以夙志不回初誠愈恪遂感劉海蟾祖授金丹藥物火候之訣。昔王冲熙祖亦得劉海蟾祖授金丹之旨以成道。乃嘆曰舉世道人無人達此惟平叔一人而已。當初三傳與人三遭禍患。不越兩旬始覺天意秘惜不許。輕傳於非其人也。後親授石杏林祖馬處厚祖。至今以往當鉗口結舌。雖鼎鑊居前刀劍加項。亦無敢復言矣。宋元豐五年夏道成。住世九十九歲。祖思畢生得遇真詮。安感隱默是以而教人修種以逃生死。著有悟真篇悟真外集金丹四百字行於世。玄門奉為南宗一世祖。

紀念張紫陽祖師聯言。

曩昔鑽研呂純陽祖師集。愛其神明幽遠。意境圓通。如萬里無霞。吐西山之月。如深潭有底。現東海之龍。論陰陽而四個。闡天地而兩重。而張紫陽我祖獨能承修種之傳。廣長生之妙。嘗為府史。窮參三教。臨海身生。成都道遇。所著悟真篇金丹四百字二集。載文顯道。設教立言。泄盡天機。指明密煉。理非奇術。語豐驚人。渺渺乎其道窮。飄飄乎其旨遠矣。然而鉢傳石馬。志尚羲黃。徒以道事之精。接續身軀之命。攝靈電於天外。採分泌於人中。上竅有而下竅無。彼家施而我家受。極真種之補給。姿元素之返還。遂令修士讚奇。人間見重。觸太守而天譴。得冲熙以嘆言。莫不知哲人有不死之方。而稀能聞我祖遺無字之經也。嗟乎。珠混魚目。真假誰分。邪亂正途。順逆難辨。大道之知音已少。雙修之口訣無多。文以會友為欣。道必逢緣為善。我今續天台之脈。願闢鐘峰之壇。是故成斤之風。得鄙鼻而方運。流水之琴。待鍾期而後鼓。苟非同類。不敢輕言。從古玄風。皆同此義。相與遵太上之修。啟南宗之法。遊心於淡。味道之腴。刊製斯篇。發揚仙旨。聯袂諸友。景仰聖真。豈又足以證大道之契也乎。

張紫陽祖師遺產(精神修養要妙-4)

本因戊己為媒灼。遂使夫妻鎮合歡。須知大隱居塵市。何必深山守靜孤。陽遇癸生須急採。金逢望遠不堪嘗。陰陽得類歸交感。二八相常自合親。勸君窮取生身處。返本還原是藥王。休妻護遣陰陽隔。絕粒徒勞腸胃空。依他坤位生成體。種向乾家交感宮。大小無傷兩國全。此般至寶家家有。竹破須將

竹補宜。抱雞常用卯爲之。祇是教人煉汞鉛。便從一炁產陰陽。日居離位翻爲女。坎配蟾宮却用男。遺作夫妻共一心。饒他爲主我爲賓。不知火候也如閒。長男乍飲西方酒。少女初開北地花。守城野戰知凶吉。兩者玄玄是要機。始於有作人難見。及至無爲衆始知。須向家園下種栽。認取他家不死方。鼓琴招鳳飲刀圭。始知我命不由天。不遇真師莫強猜。煉了還須知止足。須將死戶爲生戶。反掌之間災變福。修行混俗且和光。見之不可用。用之不可見。內藥還同外藥。說破人須失笑。白虎首經至寶。始覺男兒有孕。夫妻始結歡情。出入豈離玄牝。雄裏內含雌質。無常火宅難牽。牛女情緣合道。丹是色身至寶。大都色相惟茲實。俗語常言合聖道。坎離爲男女水火。真土擒真鉛。真鉛制真汞。此竅非凡竅。乾坤共合成。名爲神炁穴。內有坎離精。兩獸戰一場。化作天地髓。夫妻交會時。洞房雲雨作。一載生個兒。個個會騎鶴。

西師崆峒臺難義脩道
 華拜高逢仗種合
 夢海脈叅石馬之自
 謁璿接天祖仙教然

丁酉夏六月為
 張祖題讚書於鑑峰
 道南子石敬撰



張紫陽祖師揚道學真宗立言者張紫陽祖師

金丹四百字合解



揚道學真宗立言者張紫陽祖師